

**AKASHVANI (AIR)**  
**RNU : KOLKATA**  
**Bengali Text Bulletin**

**Date 13-02-2025**

**Time: 7-35 A.M.**

বিশেষ বিশেষ খবর-

১) রাজ্য বাজেটে সরকারী কর্মচারীদের জন্য মহার্ঘ্য ভাতা চার শতাংশ বাড়িয়ে ১৮ শতাংশ করার কথা ঘোষণা করেছে সরকার।

পঞ্চগয়েত ও গ্রামোন্নয়ন দফতরের জন্য বরাদ্দ হয়েছে ৪৪ হাজার কোটি টাকার বেশি।

নতুন প্রকল্প নদী বন্ধনে ২-শো কোটি টাকা বরাদ্দের প্রস্তাব।

২) মুখ্যমন্ত্রী এই বাজেটকে কর্মসংস্থান ও জনমুখী বললেও বিরোধীরা একে দিশাহীন এবং অন্তসার শূন্য আখ্যা দিয়েছেন।

৩) ২০২৩-এর টেট পরীক্ষার ফল এখনও প্রকাশ না হওয়ায় তিন সপ্তাহের মধ্যে প্রাথমিক শিক্ষা পর্ষদকে হলফনামা দিতে বলেছে কলকাতা হাইকোর্ট।

৪) সিগনাল ও প্রযুক্তিগত কাজের জন্য হাওড়া – সেক্টর ফাইভ লাইনে মেট্রো পরিষেবা আজ থেকে দু-দফায় মোট আটদিন বন্ধ থাকছে।

৫) উত্তরাখণ্ডে জাতীয় গেমসে বাংলার প্রণতি দাস সোনা জিতেছেন।

oooooooooooooooooooooooooooo

রাজ্য সরকারি কর্মচারীদের জন্য মহার্ঘ ভাতা চার শতাংশ বাড়িয়ে ১৮ শতাংশ করার ঘোষণা করেছে সরকার। অর্থমন্ত্রী চন্দিমা ভট্টাচার্য গতকাল ২০২৫-২৬ অর্থবছরের জন্য ১২ লক্ষ টাকার ঘাটতি বাজেট পেশ করে জানান, চলতি বছর পয়লা এপ্রিল থেকে এই মহার্ঘ্য ভাতা কার্যকর হবে। এর ফলে কেন্দ্রের সঙ্গে রাজ্যের ডিএ-র ফারাক কমে হল ৩৫ শতাংশ।

এবারের বাজেটের মোট আয়তন ৩ লক্ষ ৮৯ হাজার ১৯৪ কোটি টাকার বেশি। অর্থমন্ত্রী জানান, বাজেট পরিকল্পনায় নারী ক্ষমতায়ন, কর্ম সংস্থান, কৃষি ও পরিষেবা ক্ষেত্রে বিশেষ গুরুত্ব দেওয়া হয়েছে।

পঞ্চায়েত এবং গ্রামোন্নয়ন দপ্তরের জন্য বরাদ্দ করা হয়েছে ৪৪ হাজার কোটি টাকার বেশি।

বাংলার বাড়ি প্রকল্পে আগামী অর্থবর্ষে আরও ১৬ লক্ষ বাড়ি তৈরি করা হবে। এজন্য আরও ৯ হাজার ৬-শো কোটি টাকা বরাদ্দের প্রস্তাব রাখা হয়েছে। এর ফলে এই প্রকল্পে মোট বরাদ্দের পরিমাণ বেড়ে হলো ২৩ হাজার কোটি টাকার বেশি।

বন্যার সমস্যার সমাধানে ঘাটাল মাস্টার প্ল্যান রূপায়ন এবং প্রায় পাঁচ কিলোমিটার দীর্ঘ চার লেনের গঙ্গাসাগরে সেতু তৈরির জন্য বরাদ্দ হয়েছে ৫০০ কোটি টাকা করে।

পথশ্রী প্রকল্পে রাস্তাঘাটের উন্নয়নে ১৫-শো কোটি টাকা বরাদ্দ করেছে রাজ্য সরকার।

৩৫০ টি অতিরিক্ত সুফল বাংলা আউটলেট খোলার জন্য বাজেটে বরাদ্দ হয়েছে ২০০ কোটি টাকা।

কর্মশ্রী প্রকল্পে ৬১ কোটি শ্রম দিবস তৈরি করা হবে বলে বাজেটে ঘোষণা করা হয়েছে।

নদী ও জলাভূমির মধ্যে সংযোগ স্থাপন করে কর্মসংস্থানের সুযোগ তৈরিতে নদী বন্ধন নামে একটি নতুন প্রকল্প হাতে নেওয়া হচ্ছে। আন্তর্জাতিক বিশেষজ্ঞদের পরামর্শ নিয়ে আগামী আর্থিক

(বাইট-মুখ্যমন্ত্রী)

তিনি বলেন, এই বাজেটকে কর্মসংস্থান, পরিকাঠামো উন্নয়ন ও জনমুখী বলে মন্তব্য করেন। লক্ষ্মীর ভান্ডার প্রকল্পকে আরো প্রসারিত করার কথা ঘোষণা করেন মুখ্যমন্ত্রী। তিনি জানান, বীরভূমের মহম্মদবাজার ব্লকে দেউচা-পাঁচামি কয়লাখনিতে যে খননকাজ শুরু হয়েছে, ধীরে ধীরে সেখানে প্রত্যক্ষ ও পরোক্ষ ভাবে এক লক্ষ কর্মসংস্থান তৈরি হবে। বানতলা চর্মনগরীতে যে পরিমাণ বিনিয়োগ আসছে, তাতে অচিরেই আরও আড়াই লক্ষ কর্মসংস্থান হবে।

এদিকে, বাজেটে নতুন কর্মসংস্থানের কোনো দিশা না থাকার অভিযোগে বিজেপি পরিষদীয় দল বিধানসভা থেকে ওয়াক আউট করে। বিধানসভার বাইরে বিরোধী দলনেতা শুভেন্দু অধিকারী সাংবাদিকদের বলেন, এই বাজেট বেকার বিরোধী। রাজ্যে ৬লক্ষ কোটি ঋণের বোঝা থেকে মুক্তি পাওয়ার উপায় নিয়ে এখানে কোনো পরিকল্পনা নেই।

বিজেপির রাজ্য সভাপতি সুকান্ত মজুমদার বলেছেন, ভোটের দিকে তাকিয়ে ডিএ-তে এই সামান্য বৃদ্ধি।

বাইট-সুকান্ত

সিপিআইএম-এর রাজ্য সম্পাদক মহম্মদ সেলিমও এই বাজেটকে অন্তঃসারশূন্য আখ্যা দিয়েছেন।

(বাইট-সেলিম)

এই বাজেটে রাজ্যের বেকার যুব সম্প্রদায়ের সঙ্গে বিশ্বাসঘাতকতা করা হয়েছে বলে  
প্রদেশ কংগ্রেস সভাপতি শুভঙ্কর সরকার মন্তব্য করেছেন।

(বাইট-শুভঙ্কর )

রাজ্য সরকারি কর্মচারীদের সংগঠন-রাজ্য কো অর্ডিনেশন কমিটির সাধারণ সম্পাদক বিশ্বজিৎ গুপ্ত চৌধুরী কেন্দ্রীয় হারে মহার্ঘ্য ভাতা দেওয়ার দাবি জানিয়েছেন।

(বাইট-বিশ্বজিত)

শিক্ষানুরাগী ঐক্য মঞ্চের সাধারণ সম্পাদক কিংকর অধিকারী বলেছেন, ৩৯ শতাংশের জায়গায় মাত্র ৪ শতাংশ ডিএ ঘোষণা ভিক্ষা দেওয়ার সমান।

মাধ্যমিক শিক্ষক ও শিক্ষাকর্মী সমিতি (STEA)র সাধারণ সম্পাদক নীলকান্ত ঘোষ এক প্রেস বিবৃতিতে বলেন, এই বাজেট জনবিরোধী এবং শ্রমিক বিরোধী।

000000000000000000000000000000

বিধানসভায় বাজেট অধিবেশনের প্রথম পর্বের মেয়াদ একদিন বাড়ল। রাজ্য সরকার আজ সবেবরাতে ছুটি ঘোষণা করায় টানা চারদিন মূলতুবি থাকবে বিধানসভার অধিবেশন। সোমবার ফের অধিবেশন শুরু হবে। ঐদিন ও মঙ্গলবার বিধানসভায় রাজ্যপালের অভিভাষণের উপর ধন্যবাদসূচক প্রস্তাব নিয়ে আলোচনা হবে। বুধ ও বৃহস্পতিবার আলোচনা হবে রাজ্য বাজেট নিয়ে।

২০২৩-এর টেট পরীক্ষার এক বছরেরও বেশি সময় অতিক্রান্ত হয়ে যাওয়ার পরেও এখনও ফল প্রকাশ না হওয়ায় প্রাথমিক শিক্ষা পর্ষদের জবাব তলব করেছে কলকাতা হাইকোর্ট। তিন সপ্তাহের মধ্যে পর্ষদকে এবিষয়ে হলফনামা জমা দেওয়ার নির্দেশ দিয়েছেন বিচারপতি বিশ্বজিৎ বসু। এক পরীক্ষার্থীর করা আবেদনের শুনানিতে গতকাল পর্ষদের আইনজীবী জানান, ওবিসি শংসাপত্র সংক্রান্ত মামলাটি বর্তমানে বিচারাধীন থাকায় টেটের ফল প্রকাশ করা যাচ্ছে না। এই বক্তব্যের বিরোধিতা করে মামলাকারী পরীক্ষার্থীর আইনজীবী বলেন, ওবিসি শংসাপত্র সংক্রান্ত মামলাটি সুপ্রিম কোর্টে বিচারাধীন থাকলেও ওই মামলায় কোনও স্থগিতাদেশ দেয়নি শীর্ষ আদালত। তাই টেটের ফলপ্রকাশে এই নিয়ে কোনও সমস্যা থাকার প্রশ্ন নেই। এরপরই পর্ষদকে হলফনামা আকারে ফল না প্রকাশের কারণ জানাতে বলেন বিচারপতি বসু।

সিগন্যাল এবং অন্যান্য প্রযুক্তিগত কাজের জন্য মেট্রোরেল, হাওড়া ময়দান ও সেক্টর ফাইভ করিডরে দু-দফায় আট দিন ট্রেন পরিষেবা বন্ধ রাখার সিদ্ধান্ত নিয়েছে। প্রথম দফায় আজ থেকে রবিবার এবং দ্বিতীয় দফায় আগামী বৃহস্পতিবার ২০ তারিখ থেকে ২৩ শে ফেব্রুয়ারি হাওড়া ময়দান- এসপ্লানেড এবং শিয়ালদা ও সেক্টর ফাইভের মধ্যে কোনো ট্রেন চলাচল করবে না। এর জেরে নিত্যযাত্রীরা চরম ভোগান্তির মধ্যে পড়বেন বলে আশঙ্কা করা হচ্ছে।

কোচবিহারের কাকরিবাড়ি ওভার ব্রিজের কাছে সীমান্তরক্ষী বাহিনী-  
বিএসএফের গাড়ির সঙ্গে একটি বাসের মুখোমুখি সংঘর্ষে এক জওয়ানের মৃত্যু  
হয়েছে। গুরুতর আহত আরও চার জওয়ান এম জে এন মেডিক্যাল কলেজ  
হাসপাতালে চিকিতসাধীন। অসমের ধুবড়ি থেকে  
বিএসএফের ঐ গাড়িটি জেলার গোপালপুর ক্যাম্পের উদ্দেশ্যে যাচ্ছিল। স্থানীয়রা ছুটে  
এসে বিএসএফের গাড়িচালক সহ পাঁচ জওয়ানকে উদ্ধার করে হাসপাতালে নিয়ে  
গেলে চিকিৎসকরা গাড়িচালককে মৃত বলে ঘোষণা করেন।

বেহালার ঠাকুরপুকুরে কৈলাশ ঘোষ স্ট্রীটে প্রলোভন দেখিয়ে এক শিশুকন্যার শ্লীলতাহানির অভিযোগ উঠেছে কলকাতা পুরসভার এক অস্থায়ী কর্মীর বিরুদ্ধে। কমল মন্ডল নামে বছর ৬০-এর ঐ ব্যক্তি রাস্তায় দাঁড়িয়ে থাকা একটি অটোর মধ্যে আট বছরের ঐ শিশুকে ডেকে নিয়ে গিয়ে শ্লীলতাহানি করে বলে অভিযোগ। স্থানীয়রা তাকে হাতেনাতে ধরে ফেলে ল্যাম্প পোস্টে বেধে মারধোর করে। পরে তাকে পুলিশের হাতে তুলে দেওয়া হয়।

○○

উত্তরাখণ্ডে জাতীয় গেমসে আরও একটি সোনা জয় করেছে বাংলা। জিমনাস্টিক্সের আন ইভেনবার ইভেন্টে গতকাল সোনা জেতেন প্রণতি দাস। এর আগে এরোবিक्सের রুপো পান মজিদা খাতুন। আর্টিস্টিক জিমনাস্টিক্সে ব্রোঞ্জ জেতেন প্রতিষ্ঠা সামন্ত।

টেবিস টেনিসে মহিলাদের ডাবলসে ব্রোঞ্জ পেয়েছেন মৌমা দাস ও ঐহিকা মুখার্জী জুটি।

oooooooooooooooooooooooooooo

oooooooooooooooooooooooooooo